

Электромашигъяр

Ўкр саалгън

Сарпинский района „Гигант“ колхозин 6-ч МТФ-д электрическ машигъяр ўкр саана. Электрическ чиллър ўкр саадг болснас нааран саальчнрин кӧдлмиш зӧвӧр гиигрв.

—Ўкрмудиг машигъяр саалгънд идждулхин тӧлӧ гарар сааджасн ўкрин ӧбр тер машиг нег цӧн ӧдр тӧвбувдн, авгтан ўкр ӧврӧд, машинӧс аӧгъӧс ўргӧд бӧӧв, болв дарунь идждӧд, нам кергтӧн авдган уурцхав. Тиигхлӧнь электромашиг ўкрин делнъгд зӧувдн, ўкр аӧдж-ўрглуга саалгъдг болв. Машигъяр ўкр саахла делнъгднъ ик ўсн ўлднӧ гидж зӧрмнъ келнӧ, тер худл ўг, ўкрин делнъгд 200-300 грамм ўснӧс ўлу ўлдхш, терўгинь бидн гарар саачкнавдн, —гидж ах саальчур Байкова Лидия келнӧ.

Иигдж машигъяр ўкр саалгън 5-7 минутас давхш. Дакад гидм болхла, ўснъ цевр болна, йирин гарар саадгла аӧдл суулгъднъ кир-хур унхш.

Саальчнр Л. Байкова, Е. Серова, П. Толочко, М. Жаркова, нань чигн улс ӧдр болгън электромашигъяр 100-120-д литр ўс саацхана.

Эн фермин саальчнр джилдӧн ўкр болгънас хошад минъгън килограмм ўс саадж авнавдн гидж бийсдӧн даалгъвр авад, соцдӧрлдӧ делгрулджӧцхӧнӧ. Нидн джилин январь-февраль хойр сард саасн ўснӧс хойр холван икӧр эн джилин март сард эдн саав.

Орн-нутгтан икӧр ўс ӧгхмингисн ухан-седкл теднӧ сана нас гархш. Тер тӧлӧд, нам шинкӧн эклӧд ўкр сааджаж саальчнр чигн дамшлтта саальчнрас хоцрхш. Иигдж кӧдлджӧхнъ, шидр Сибирӧс нууджирсн Тоня Андропова, 10 класс чилӧсн В. Пазухина, нань чигн кӧуӧкд. Эдн цугтан ўс саалгъна зурагъан кӧцӧддж, нарт делкӧн кӧч-кӧлсчнрин сӧн ӧдр—Майин нег шиниг тосхар орлцджана.

И. ЛИДЖИЕВ.